

中國方志叢書·華中地方·第八七三號

據

清·楊長杰等修，黃聯珏等纂
清同治十年刊本

影印

江 西 省

貴溪縣志

(四)

成文出版社有限公司印行

忠義

南唐

桂卿少武勇嗜書習兵法仕南唐累官銀青光祿大夫上
柱國進階司空先是數平劇寇有戰功軍中號捉生虎子
遷信州靜邊總轄使時閩越邊寇侵掠卿出奇兵芟刈之
數郡民賴以安宋開寶中李氏納土卿固守信旣而得李
主手書諭以城降乃泣謂麾下曰我輩旣不能效死保國
姑遁身避世可也乃歸隱貴溪藝祖太宗嘉其賢屢徵不
起太平興國間閩寇復熾承詔勦平之以功拜都尉辭不
就淳化三年卒鄉人立祠祀焉慶元二年賜廟額曰威顯

諡曰忠 舊志

宋

張憲字吉老武舉絕倫科第一人紹聖初選爲博興巡檢方臘寇陷兩浙憲募勇士千人兼程以進賊懼引退遂復衢州劉光世奏列其功拜武義大夫了頭嚴寨卒謀變憲訊獲首謀者按誅之郡賴以安拜武畧大夫未幾金掠滑州卽馳赴之旣瀕河會橋斷不克渡至亳州聞駕北狩欲邀截不克乃趨兵濟南謁高宗因薦文武全材堪爲將相者七人以李綱宗澤爲首拜武義大夫江南東路軍騎總管建炎四年江東妖賊王則大熾憲走上饒會兵進討兵

未集爲賊所陷與其子琳死焉事聞贈武功大夫官其兩

子舊志

謝枋得字君直信州弋陽人也

案寶祐登科錄枋得貴溪人元史臣失考大明會典

亦載貴溪可據舊志其先貴溪人枋得僑寓弋陽新政鄉

爲人豪爽每觀書五行俱下

一覽終身不忘性好直言一與人論古今治亂國家事必

掀髯抵几跳躍自奮以忠義自任徐霖稱其如驚鵲摩空

不可籠繫寶祐中舉進士對策極攻丞相董槐與宦官董

宋臣抑置乙科除撫州司戶參軍卽棄去明年復出試教

官中兼經科除教授建寧府未上吳潛宣撫江東西

吳潛案李

道源誤文節先生神道碑作

辟差幹辦公事團結民兵以扞饒信撫

卷之六

人物

忠義

二

科降錢米以給之枋得說鄧傳二社諸大家得民兵萬餘人守信州暨兵退朝廷覈諸軍費幾至不免五年彗星出東方枋得考試建康摘似道政事爲問因言兵必至國必亡漕使陸景忠銜之上藁於似道坐居鄉不法起兵時冒破科降錢妄訕謗追兩官謫居興國軍碑云因謫所之山自命疊山寺令皆及門執咸熙三年赦放歸德祐元年呂文煥導大元兵東下鄂黃蘄安慶九江凡其親友部曲皆誘下之遂屯建康枋得與呂師夔善乃應詔上書以族保師夔可信乞分沿江諸屯兵以師夔爲鎮撫使使之行成且願身至江州見文煥與議從之使以沿江察訪使行會文煥北歸不及而

返以江東提刑江西招諭使知信州明年正月師夔興武
萬戶分定江東地枋得以兵逆之使前鋒呼曰謝提刑來
呂兵馳至射之矢及馬前枋得走入安仁調淮士張孝忠
逆戰圍湖坪矢盡孝忠揮雙刀擊殺百餘人前軍稍却後
軍繞出孝忠後衆驚潰孝忠中流矢死馬奔歸枋得坐敵
樓見之曰馬歸孝忠敗矣遂奔信州師夔下安仁進攻信
州不守枋得乃變姓名入建寧唐石山轉蔡坂寓逆旅中
日麻衣躡屨東向而哭人不識之以爲被病也已而去賣
卜建陽市中有來卜者惟取米履而已委以錢悉謝不取
其後人稍稍識之多延至其家使爲子弟論學天下既定

遂居閩

碑云信守將悉捕公妻子弟姪送建康獄夫人李氏有容德有廉帥者欲妻之一夕自經死弟君烈

若澤姪某某及一女二婢皆死獄中惟二子熙之定之移

獄廣陵得釋又有弟禹在九江亦不屈斬於市案枋得全

家植立名義

本傳俱闕載

至元二十三年集賢學士程文海薦宋臣二

十二人

碑云薦三十人

以枋得爲首辭不起

碑云枋得在舉中被徵丁內艱辭

又

明年行省丞相蒙古台將旨召之執手相勉勞枋得曰上

有堯舜下有巢由枋得名姓不祿不敢赴詔丞相義之不

強也二十五年福建行省參政管如德將旨如江南求人

才尚書留夢炎以枋得薦枋得遺書夢炎曰江南無人才

求一瑕呂飴甥程嬰杵臼所養卒不可得也紂之亡也以

八百國之精兵而不敢抗二子之正論武王太公懷稟

所容急以興滅繼絕謝天下殷之後遂與周並立使三監
淮夷不叛武庚必不死殷命必不黜夫女真之待二帝亦
慘矣而我宋今年遣使祈請明年遣使問安王倫一市井
無賴狎邪小人謂梓宮可還太后可歸終則二事皆符其
言今一王倫且無之則江南無人材可見也今吾年六十
餘矣所欠一死耳豈復有他志哉終不行郭少師從瀛國
公入朝既而南歸與枋得道時事曰大元本無意江南屢
遣使使頓兵令毋深入特還歲幣卽議和無枉害生靈也
可晏然上書乞歛兵從和上卽可之兵交二年無一介行
李之使乃挈數百年宗社而降因相與慟哭福建行省參

政魏天祐見時方以求才爲急欲薦枋得爲功使其友趙
孟達來言枋得罵曰天祐仕閩無毫髮推廣德意反起銀
冶害民顧以我輩飾奸耶及見天祐又傲岸不爲禮與之
言坐而不對天祐怒強之而北枋得卽日食菜菓二十六
年四月至京師問太后攢所及瀛國所在再拜慟哭已而
疾遷憫忠寺見壁間曹娥碑泣曰小女子猶爾吾豈不汝
若哉留夢炎使醫持藥雜米飲進之枋得怒曰吾欲死汝
乃欲我生耶棄之於地終不食而死

綱目夏四月福建參知政事魏天祐執謝

枋得至燕不屈死之附注子定之獲骸骨歸葬信州枋得天資嚴厲雅負奇氣風岸孤峭不能與世軒輊而以天時人事推宋必亡於二十年後每論樂毅申包胥張良諸葛亮事常若有千古之憤者而以植世教立民彝爲任貴富

賤貧一不動其中初枋得之北行也貧苦已甚衣結屨穿
人有嘗德之者賜以金帛辭不受又爲詩別其門人故友
時以爲讀其詞見其心慷慨激烈真可以使頑夫廉懦夫
立云神道碑平日所著易書詩三傳行於世雜著詩文六
十四卷翰林學士盧摯爲之序郭青螺曰文節之謚集以
爲私謚鄭汝璧臣謚類鈔以爲景泰年謚未知孰是案枋
得死時年六十四門人私謚文節先生後二十四年門人
虞舜臣率其徒築室買田祠於弋陽之東鄭康仲徐炎午
輩於上僥建疊山書院祀之元季書院燬於兵明景泰中
知府姚堂遷建府治南巡撫韓雍奏請賜謚文節仍命有
司春秋致祀正德間提學邵銳以文節弟君禹君烈君澤
子定之配享貴溪久闕祀萬歷甲申知縣伍表萃申請立
祠後知縣錢邦偉申請以文
節帳前提點張孝忠配享

附宋張子惠送疊山先生北行詩 打硬修行二十
年如今訂驗是儒仙人皆屈膝甘爲下公獨高聲罵
向前此去好憑三寸舌再來不值半文
錢到頭畢竟全清節留取芳名萬古傳
又逸名詩一首 流落崎嶇二十年幾回灑血杜鵑
前一雙足履天地窄萬古丹心日月懸案上靈龜元

不食樊中孤鶴且安眠逃名不

得名終在行止非人亦在天

又王奕詩一首 皇天久已垂青眼盼盼先生在此

行遺表不隨諸葛死離騷常伴屈原清兩生無補秦

興廢一出仍關魯重輕白骨青

山知得所何須兒女哭清明

魏天應和疊山先生韻 疊翁老師將有行賦詩言

別綱常九鼎生死一毛懷慨激烈高風凜然真可廉

頑立懦天應足患痼疾莫能往餞回視后山之送坡

翁爲有愧矣斐然拜和未知能徹師聽否臨風悽斷

萬疊青山只麼青從容時止又時行斯文未喪余何

畏舉世隨流我獨清日月精忠今古在邱山道義死

生輕吾翁鐵脊文翁

似無愧淵明與孔明

趙簡邊輓疊山先生詩 西山東海莫容身芒屨蕭

蕭萬里塵去處更無寬歲月死生惟有一君親丹心

故國江雲冷白骨他鄉塞草新不

是回頭春已暮至今猶說似癡人

洪光基弔疊山先生詩 千古忠爭日月光恨無麟

筆寫堂堂還家恥作梁江總辟穀誰如漢子房後死

十年應有待輕生萬里故非狂有
兒可拾江邊骨須信人亡道不亡

游古意贈疊山先生詩 滿腔忠孝有天知不管人
間事已非萬里乾坤雙草履百年身世一麻衣行藏

自信床頭易卧病惟餐隴首薇倘
過宗周見離黍幾多新淚向殘暉

又葉愛梅詩 后土茫茫雨屢行綱常事重此身輕
大江有士一人壯千載見君雙眼明俯仰元無媿今

古英雄何必盡公卿早知莫
賣成都卜省得人知大隱名

元李道源文節先生謝公神道碑 至元二十二年
行御史臺侍御史程鉅夫以宋遺士三十人薦於朝

於是江東謝枋得在舉中被徵丁內艱辭亡何連詔
江浙行省左丞管如德召皆不起廿五年春正月福

建行省參政魏天祐復被旨集守令成將迫促上道
乃行夏四月至京師不食死春秋六十有四八月子

定之奉柩還廣信明年九月葬其鄉之玉亭龔原其
門人誄而題之曰文節先生謝公墓先生曾祖彥安

祖一鶚考應球潯州僉判妣桂氏封碩人先生諱枋
得字君直信州弋陽人宋寶祐乙卯薦於鄉丙辰試

中禮部高等比對力詆時宰闕宦奮不顧前後抑至
第二甲第一人初得州君以事忤使者董槐被劾而
死先生既第董槐執政竟不堂參以歸丁巳召試教
官調建寧府教授已未趙葵宜撫江東西辟爲屬尋
除禮兵部架閣令募兵援江上出楮幣十萬貫得信
撫義士數千人以應宜撫司罷賈似道當國會軍與
出入簿責任事者公毀家以償不足坐廢至元初長
星竟天踰月我師壓江上宋社日替江東漕司猶試
士徵校藝先生憤賈竊政柄害良忠誤國毒民發策
十問摘其姦極言天心怒地氣變民心離人才壞國
有亡證辭甚剴切大拂賈旨臺評竟上其謗訕譎兩
秩與國軍安置因謫所山召自命疊山守令皆及門
執弟子禮丁卯以史館召先生曰似道卽我也不赴
閉門講道聞之者翕如若周岳熊朝余安裕楊應桂
余炎謝禹莫若輩皆知名介然自將足跡不及權門
里中人行事或不循於理者輒曰謝架閣聞乎有持
雨爭必來質平遣以理無秋毫假與人意人亦高其
風必自審乃進非義者未嘗敢至其前也亡亥連以
史館校勘秘書省著作郎召年辭援江東提刑總其
兵以守饒信撫與王師戰輒敗不能軍遂易服負母

走閩中隱於卜信守將悉捕公妻子弟姪送建康獄
夫人李氏有容德有廉帥者欲妻之一夕自經死弟
某某姪某某及一女二婢皆死獄中惟二子熙之定
之移獄廣陵得釋又有弟禹在九江亦不屈斬於市
先生性資嚴厲雅負奇氣風岸孤峭不能與世軒輊
而以天時人事推宋必亡於二十年後抗論檢宰老
竭蹶不售終不取合於時其爲人蓋如此及程公之
薦報書乃曰弓旌招賢輪帛迎士有志經世者孰不
興起及非其人非皇帝夢卜求賢之初意也觀其言
非徒決於剛憤者少力學六經百氏悉淹貫爲文章
偉麗卓然天成不踐習陳言宿說論古今成敗得失
上下數千年較然如指掌尤善論樂毅申包胥張良
諸葛亮事常若有千古之憤者而以植世教立民彝
爲任富貴貧賤一不動其中其言曰清明正大之心
不可以利回英雄果銳之氣不可以威奪其自信悉
類此先生之北也貧苦甚衣結履穿行雪中人有嘗
德之者矚以兼金重裘不受平日所著易書詩三傳
行於世雜著詩文六十四卷翰林學士盧公摯爲之
序引深所推激夫人李氏男三義勇早卒熙之歸自
廣陵亦卒定之賢而甚文累薦不起孫男二信孫自

豫先生死之二十有四年門人虞舜臣率其徒築室
買田祠公弋陽之東浙江行省請於朝爲疊山書院
又五年余任集賢待制番陽周應極狀其事致定之
之語求銘墓道嘗謂先生天下士道源仰其文章氣
節蓋四十年而不一識是區區者尚可辭哉銘曰嗚
呼先生生也何時生也後時日薄崦嵫維南有草龜
玉毀折我朝天時乃完其節鷄鳴風雨歲寒松柏伊
其板蕩古有盡忠道統既闕人文斯崇有美翔鸞載
鳴載集曷廼匪庭曷課匪京萬里冰天介
石自貞奚卒不施闕於佳城嗚呼先生
明胡儼追輓謝疊山詩潮邊錢塘王氣收兩宮北
去竟誰留拳旗獨倡勤王意當軸曾無負國羞幽憤
千年遺涕淚孤忠七日死拘囚江
東十問今猶在可惜英雄志不酬
王守仁弔疊山先生詩國破家亡志不移文山
心事爾相期當時不落豺狼手成敗於今未可知
國朝張珏弔謝疊山先生詩就義於今四百春南屏
猶薦宋明禪一門冠履真生色千古鬚眉不愧人留
得三綱歸婦子自教一死報君臣文
山別後誰知己冷月寒煙幾笑嗔

謝徽明枋得伯父也以特奏恩爲當陽尉攝縣事時天基

節上壽元兵奄至徽明出戰死二子趨進抱父尸亦死

宋史

附謝枋

得傳

元

江彥璋元末不仕僞將王溥聞其名欲鉤致之不可得乃

以兵縛之行至何郎橋厲聲罵不絕遂遇害土人瘞其屍

次日雪封之莫識其處至今人呼曰江家山云

信郡志

明

裴化字子韞嘉靖間任華亭漆木鎮巡檢時倭奴入寇化

率兵與戰死之臺使者驗其傷云穿胸洞背則其對陣可

知向使皆如化上海何由得破耶移文原籍世復其家華亭人爲塑像而神之是時政和縣丞徐九經九思從弟也亦以城陷罵賊死

閩幽錄

何常明字惟德通判魁之子也由知印任紹興府知事嘉靖乙卯倭奴入寇由臺甯突抵紹興撫院檄常明督兵禦之戰於河橋克捷民恃以安明年復禦倭於蕭山之龕山時郡守忌常明功援絕馬蹶身中八鎗而死事聞詔贈太僕寺寺丞廕一子入監復其家又詔立廟於死事地方祀之越五十年邑令錢邦偉申請督學入祀鄉賢

舊志

江鏊字叔濟明經量之次子幼失怙事母兄至謹穎悟過